

### GUÍA DO PRÁCTICUM: PRÁCTICAS DE INVESTIGACIÓN DA ESPECIALIDADE EN PSICOLOXÍA EXPERIMENTAL

As prácticas externas da Especialidade en Psicoloxía Experimental, do Máster Universitario en Psicoloxía pola USC ríxense pola normativa aplicable ([RD 592/2014, de 11 de xullo](#)), que regula as prácticas académicas dos estudantes universitarios e polo [Regulamento de prácticas académicas externas da USC](#); e desenvólvense conforme ao establecido na Memoria de Verificación do Título (en adiante MVT).

#### 1. RESUMO DO PLAN FORMATIVO:

**Nome:** Prácticum: Prácticas de investigación Especialidade en Psicoloxía Experimental  
**Créditos (ECTS) e horas:** 18 créditos (obrigatorios), 450 horas

**Carácter:** Prácticas externas supervisadas

**Localización temporal no plan de estudos:** (2º curso, 1º semestre)

#### Resultados da aprendizaxe:

- Ser quen de integrar e trasladar os coñecementos, técnicas e destrezas adquiridas á resolución de problemas concretos na investigación en psicoloxía experimental.
- Ser capaz de concebir, propondor e desenvolver ideas orixinais de investigación dentro do ámbito da psicoloxía experimental que contribúan ao desenvolvemento do coñecemento nesta área.
- Ser quen de comunicar á comunidade científica as conclusións alcanzadas no ámbito da investigación en psicoloxía experimental e as razóns que as sustentan.
- Ter a capacidade para emitir xuízos mediante a análise crítica, a avaliación e a síntese de ideas orixinais e complexas.
- Ser capaz de resolver problemas asociados á investigación en psicoloxía experimental.
- Adquirir as habilidades de aprendizaxe necesarias para poder incorporarse aos estudos de doutoramento da especialidade.
- Obter as habilidades necesarias para fomentar o avance tecnolóxico, social ou cultural dentro dunha sociedade baseada no coñecemento.

### **Competencias específicas**

- Adquirir coñecementos avanzados e desenvolver a capacidade de valoración crítica dos métodos e técnicas psicolóxicas propias dos ámbitos do máster para o afrontamento de problemas novos en contextos complexos.
- Saber identificar e seleccionar técnicas e instrumentos propios dos ámbitos de especialización do máster de acordo cos obxectivos propostos.
- Saber adaptar e utilizar as técnicas e instrumentos propios da Psicoloxía para afrontar situacións específicas da práctica profesional nos dominios de coñecemento do máster.
- Ser capaz de analizar e resolver situacións complexas, nos ámbitos específicos do máster, mediante o deseño, a programación e a implementación de estratexias para a solución de problemas.

### **Contidos:**

Deseño e/ou realización de experimentos de laboratorio e participación en investigacións do ámbito da psicoloxía experimental relacionados coas liñas desenvolvidas polo profesorado da especialidade.

## **2. ORGANIZACIÓN, XESTIÓN E AVALIACIÓN DAS PRÁCTICAS**

### **Xestión:**

A Comisión do Título (en adiante CT) é o órgano responsable de establecer os procedementos para a realización do Prácticum de investigación (en adiante prácticas) e a súa avaliación. Para a xestión de aspectos específicos a Comisión poderá delegar no/a coordinador/a de especialidade.

Son competencias da CT:

- Establecer os procedementos xerais de avaliación do rendemento dos/as estudantes na materia.
- Establecer os procedementos de avaliación, referidos tanto á organización como aos resultados da materia, por parte do estudantado e os/as titores/as.

Ademáis a CT, en coordinación coa Comisión do Prácticum da Facultade (tal como recolle o Regulamento de réxime interno da Facultade e o proceso PC-04 do Manual do Sistema de Garantía de Calidade do centro), encárgase de :

- Xestionar a oferta e a demanda de prazas e os procedementos de asignación dos/as estudantes ás prazas existentes.

- Establecer e verificar as condicións e os criterios de calidade esixibles áos laboratorios nos que se realicen as prácticas.

### **Oferta e asignación de prazas**

As prazas para a realización das prácticas na especialidade de psicología experimental ofertaránse no marco dos grupos e proxectos de investigación, da USC, relacionados coas temáticas da especialidade. A CT, en coordinación coa Comisión de Prácticum da Facultade, actualizará anualmente a oferta de prazas, que será publicada xunto co calendario anual de procedementos do Prácticum.

Os/as estudantes disporán dun prazo de preinscrición para indicar as súas preferencias sobre as prazas ofertadas. A tal fin, cada estudante cubrirá a documentación dispoñible na web da Facultade, no prazo que se estableza para cada curso.

A CT realizará a asignación de prazas tendo en conta as preferencias manifestadas polos/as solicitantes e tomando como criterio selectivo, de ser preciso, o expediente académico correspondente á titulación que dea acceso ao Máster.

Xunto coa publicación dunha relación provisional de asignación de prazas, establecerase un período de reclamacións. Finalizado este período, publicarase a asignación definitiva de prazas e titores/as académicos/as designados/as.

### **Organización e desenvolvemento**

A CT organizará, anualmente, unha sesión informativa para o alumnado do título, sobre as características e procedementos de xestión, titorización e avaliación das prácticas.

As prácticas terán unha duración de 443 horas de actividades no laboratorio, e as restantes, hasta acadar as 450 están destinadas a titorías, e realización de traballos e informes.

Establécese como período ordinario de prácticas o comprendido polos tres primeiros meses do segundo curso, aínda que poden existir ofertas que discorran fóra deste período, sempre que non entren en conflito coas demais actividades lectivas.

Cada estudante deberá contactar co/a titor/a académica/o asignada/o antes do comezo das prácticas; e durante a realización das mesmas, o/a estudante e o/a seu/súa titor/a académico/a manterán contacto periódico.

As actividades formativas concretaránse nun programa específico, en función das características, obxectivos e funcións de cada laboratorio. Este contemplará o exercicio das tarefas desempeñadas no laboratorio/proxecto, sempre baixo a tutela ou supervisión do/a titor/a responsable.

## **Titorización**

Corresponderalle a CT nomear aos/as titores/as académicos/as, tendo en conta a conveniencia de que a actividade deles sexa afín ao tipo de prácticas a titorizar.

A actividade de titorización académica será recoñecida como parte do encargo docente do profesorado de acordo co establecido nas normas de planificación académica e elaboración do Plan de Organización Docente aplicables, e tendendo sempre a un recoñecemento acorde coa dedicación real que esta actividade require.

Será obriga do/a titor/a velar pola adquisición, por parte do alumnado, das competencias asociadas a materia. Particularmente:

- Informar ao alumnado sobre as características e procedementos de xestión, orientación e avaliación do Prácticum.
- Concretar e describir as actividades a realizar polo alumnado.
- Asesorar e supervisar ao alumnado durante a realización das prácticas. Orientar ao alumnado na confección da *Memoria do Prácticum*.
- Avaliar o nivel de consecución das competencias establecidas.

## **Seguimento e sistema de avaliación das prácticas**

O/a estudante entregará o/a titor/a académico, ao remate do período de estadía no laboratorio de prácticas, unha *Memoria do Prácticum* (en Modelo dispoñible na web), que deberá conter, cando menos, a descrición do dispositivo de prácticas, das actividades realizadas para o desenvolvemento das competencias e unha valoración persoal do/a estudante.

O/a titor/a emitirá un *Informe de Seguimento* atendendo aos coñecementos, desempeño, habilidades e actitudes que exhibe o/a estudante no contexto da práctica de laboratorio. A valoración deste informe suporá o 75% da nota final na materia.

Asimesmo, o/a titor/a ou titora avaliará a memoria presentada polo/a estudantes, tendo en conta a capacidade de análise reflectida, así como a comprensión mostrada acerca da información e/ou as habilidades adquiridas durante a realización das prácticas, cumprimentando un *Informe de Avaliación da Memoria do Prácticum* (que suporá o 25% da nota final da materia),

A cualificación global da materia será o resultado da suma das valoracións de ambos informes.

O/a titor/a fará chegar os *Informes de Seguimento* e os *Informes de Avaliación da Memoria do Prácticum* ao/a coordinador/a da Comisión, quen publicará ás cualificacións provisionais, xunto co período de revisión, nas datas que se determinen cada ano en función do calendario académico. Transcorrido o período de revisión, o/a titor/a comunicará ao/a coordinador/a as modificacións, de producirse estas, nas cualificacións.

A CT outorgará as matrículas de honra, a proposta dos/as titores/as académicos/as, tendo en conta o expediente dos/as alumnos/as e atendendo á proporción establecida na Normativa de Xestión Académica.

A CT proporcionará modelos oficiais para todos os procesos relacionados co Prácticum. A utilización de ditos modelos oficiais é obrigatoria.

A CT é a encargada de velar polo cumprimento das normas desenvolvidas nesta guía, e de interpretala se fose necesario.